



“No stait a dismenteâ la universitât”

Un apel dai retôrs di Udin e Triest ai gnûfs parlamentârs e ai futûrs conseîrs regionâls

In occasione des elezions politichis e ae vilie di chês regionâls, i retôrs des Universitâts dal Friûl e di Triest, Cristiana Compagno e Francesco Peroni, cul diretôr de Scuele internazionâl di studis avanzâts di Triest, Guido Martinelli, a ân difondût une clamade tal mont politic. “La stampe nazionâl - a scrivin - e à dât largje difusion a un document de Conference dai Retôrs des Universitâts Italianis, là che si denunziin i efets di impuairiment dramatic pafîts dal sisteme universitari nazionâl e, in gjenerâl, de ricercje scientifiche par vie dai tais finanziariis dal ultin cuincueni. O volin riclarmâ la atenzion sul fat che chest senari nol è mancul alarmant in Friûl Vignesie Julie”.

“La circostance che lis nestris Universitâts a vedin fin cumò *resistût*, grazie ancje, se no soledut, ae proprie capacitât di rinovâsi, mantignint cussi alçâts standard di produtivitât scientifiche e di formazion di capitâl inteletuâl une vore cualificât, nol à di fâ pierdi di viste – a sotlinein i retôrs - i vuasej che cence fal a son daûr a produsisi par vie dai tais: sbassament e invecjament dai organics pe impussibilitât di ingaiâ gnovis jevis, impuairiment dai servizis, mancul competitivitât cui sistemis universitaris plui avanzâts. O crodin che un trend di chest gjenar al scuegni ancjemò plui preocupâ intune Region, tant che la nestre, caracterizade di une rê di struturis scientifiche e di alte formazion cence compagns intal Paîs: un patrimoni abil in potence di tornâ disvilup al teritori e ae comunitât nazionâl, come miôr antidot ae recession in at”.

Intune fase di passaçs eletorâi decisifs, nazionâi e regionâi, a concludin i retôrs, “o domandin ai candidâts des diviersis formazions politichis di impegnâsi, là che elets, a contribuî a une inversion di rote: universitât e ricercje a jentrin infin - e no dome a peraulis - intes prioritâts strategjichis de Italie e dal Friûl Vignesie Julie”.

Sore, il retôr dal ateneu furlan Cristiana Compagno